



U Travniku, januar 2012. godine

Broj:

Za:

n/r prof. dr Ibrahim Jusufranić

Rektor Internacionalnog univerziteta Travnik

**Predmet: Interna-evaluacija naučno-istraživačkog rada i
međunarodne saradnje na Internacionalnom univerzitetu Travnik u
2011.godini**

Poštovani Rektore,

Shodno procedurama za internu evaluaciju stanja na Internacionalnom univerzitetu Travnik dostavljam Vam Interni evaluacijski izvještaj za stanje naučno-istraživačkog rada i međunarodne saradnje za 2011. godinu kako je dato u nastavku a po definisanim ključnim indikatorima.

Elektronska i štampana verzija izvještaja podesna je Kancelariji za osiguranje kvaliteta.

Prorektor za Naučno-istraživački rad
Prof.dr Jozo Sović




1. PREGLED NAJZNAČAJNIJIH ELEMENATA NAUČNO ISTRAŽIVAČKOG RADA U 2011.GODINI

1.1. MAGISTRANTI NA IUT U 2011.

U 2011. godini na II ciklusu studija magistriralo je ukupno 17 magistranata odnosno 9 magistranata više nego u predhodnoj godini na IUT. Uporedni prikaz po organizacionim jedinicama je predstavljen na sljedećem grafikonu.

Grafikon 1. Magistranti na IUT u 2010. i 2011. godini



1.2. RADOVI OBJAVLJENI U 2011.


Internacionalni univerzitet Travnik je organizovao i savjetovanje sa međunarodnim učešćem "**Ekologija i saobraćaj**", 02. i 06. juna 2011. godine na Vlašiću. Ukupan broj radova na savjetovanju bio je 60 a ukupan broj autora 119 od čega su nastavnici i saradnici sa IUT ukupno objavili 16 radova odnosno 27% (od ukupnog broja radova) a broj autora bio je 18 odnosno 15% (od ukupnog broja autora), a raspoređen je po organizacionim jedinicama na sljedeći način:

- 5 autora sa Ekonomskog fakulteta
- 9 autora sa Saobraćajnog fakulteta
- 4 autora sa Ekološkog fakulteta



Predhodno navedeni podaci su predstavljeni putem grafikona.

Grafikon 2. Broj autora na održanim Savjetovanjima u 2010. i 2011. godini




Na osnovu predhodnog grafikona možemo zaključiti da je 2011. godine i ukupan broj autora i broj autora sa IUT se povećao u odnosu na 2010. godinu. Ukupan broj autora se povećao za 55 autora u odnosu na predhodnu godinu dok je ukupan broj autora sa IUT se povećao za 4 autora u odnosu na predhodnu godinu.

Grafikon 3. Ukupan broj radova na Savjetovanjima u 2010. i 2011. godini



Možemo zaključiti da se ukupan broj radova u 2011. godini povećao za 24 rada u odnosu na predhodnu godinu dok se broj IUT radova nije mjenjao.

Grafikon 4. Učestvovanje organizacionih jedinica na Savjetovanjima u 2010. i 2011. godini



Najviše objavljenih radova za ove dvije godine imaju zaposleni na Saobraćajnom fakultetu, zatim na Ekonomskom, a jednak broj radova imaju zaposleni na Ekološkom fakultetu i Fakultetu politehničkih nauka.



Broj radova objavljen na konferencijama i časopisima koje nije organizovao Univerzitet je predstavljen sljedećom tabelom po organizacionim jedinicama.

Organizaciona jedinica	Broj radova
EFT	2
SFT	5
TEF	1
<i>Ukupno</i>	<i>8</i>

Ovim pregledom nisu obuhvaćeni svi radovi nastavnika i saradnika jer postoji problem dostave i prikupljanja informacija na organizacionim jedinicama. Uglavnom preovladavaju radovi na konferencija u odnosu na broj radova u časopisima.

1.3. NIR I STRUČNI PROJEKTI IUT U 2011.

U 2010. godini su osnovani instituti na Univerzitetu za svaku organizacionu jedinicu i Centar za cjeloživotno učenje. Instituti još uvijek nisu počeli sa svojim aktivnostima i projektima izuzev Instituta za saobraćaj koji je u 2011. godini obavio jedno vještačenje.

1.4. OBJAVLJENE KNJIGE U 2011.

Na Internacionalnom univerzitetu Travnik izdavačka djelatnost inkorporira izdavanje udžbenika, knjiga, prijevoda knjiga, monografija autora, nastavnika i stručnih saradnika, izvještaja sa stručnih i naučnih konferencija, kongresa i simpozija u organizaciji Univerziteta, službenih i periodičnih publikacija, raznih štampanih izdanja, CD-ova i drugih diskova, video i tonskih zapisa i drugih oblika izdanja. Osnovni zadatak izdavačke djelatnosti na Univerzitetu je da doprinese razvoju nastavnih, naučnih, obrazovnih i drugih djelatnosti Univerziteta i organizacionih jedinica (fakulteta), te podsticanje stvaralaštva u njima.

U 2011. godini je objavljeno 5 knjiga i to kako slijedi po organizacionim jedinicama:

- 1 knjiga i 1 zbornik radova - SFT
- 1 knjiga - TEF
- 3 knjige - EFT



U 2010. godini Saobraćajni fakultet je objavio 1 knjigu i 1 zbornik radova kao i u 2011. godini, dok organizacione jedinice Ekološkog i Ekonomskog fakulteta su od ove godine počele objavljivati knjige i objavile su ukupno 4 knjige.

1.5. ORGANIZACIJA SEMINARA, KONFERENCIJA, JAVNIH I POZIVNIH PREDAVANJA

Internacionalni univerzitet Travnik planira najmanje jednom godišnje organizovati međunarodne konferencije i savjetovanja. Tako je u 2011. godini, organizovao II savjetovanje sa međunarodnim učešćem „***Ekologija i saobraćaj***”, 02. i 03. juna 2011. godine na Vlašiću.

U maju 2011. godine vanredni profesor s Univerziteta u Tennessee, SAD, dr Lee Han je održao predavanje na temu „Havy Vehicles Inspection and Enforcement“ svim studentima Internacionalnog univerziteta Travnik.

2. EVALUACIJA MEĐUNARODNE SARADNJE U 2011.

Međunarodna saradnja se promoviše kroz studijske posjete, zajedničke projekte, razmjene itd. Pored stalnih i povremenih angažmana nastavnog osoblja, Univerzitet je bio domaćin vanrednom profesoru s Univerziteta u Tennessee, SAD, dr Lee Han koji je održao predavanje na temu „Havy Vehicles Inspection and Enforcement“. U periodu od 03.10.2011. do 01.11.2011. godine IUT je bio domaćin studentu doktorantu iz SAD-a Yang Qiang-u. Otvorena je mogućnost našim studentima da studiraju na doktorskom studiju u SAD - u (http://www.iu-travnik.com/index.php?option=com_content&view=article&id=360%3Adoktorski-studij-u-sjedinjenim-amerikim-dravama&catid=18%3Ajavne-vijesti&Itemid=205&lang=ba).

IUT je potpisao 8 sporazuma odnosno 4 sporazuma više nego predhodne godine sa visokoškolskim ustanovama iz BiH i regionala. Sporazumi su potpisani uglavnom sa univerzitetima te se saradnja može realizovati na više organizacionih jedinica IUT. Pregled sporazuma je predstavljen u narednoj tabeli.

Takođe u cilju saradnje sa lokalnom zajednicom IUT je napravio Master plan razvoja turizma na Vlašiću 2012.



Vrsta sporazuma	Fakultet-Univerzitet	Datum	Organizaciona jedinica
Saglasnost za učešće u održavanju zajedničkih poslediplomskih studija IUT	Univerzitet u Novom Sadu Ekonomski fakultet Subotica	06.4.2011.	EFT
Sporazum o saradnji IUT EFT	Univerzitet u Bihaću Ekonomski fakultet Bihać	11.5.2011.	EFT
Agreement and memorandum of understanding IUT	University of Shkodra „Luigj Gurakuqi“ Albania	10.06.2011.	IUT
Sporazum o znanstveno-nastavnoj, znanstveno-istraživačkoj i tehnološko-razvojnoj suradnji IUT	Visoka škola „Banja Luka College“	14.6.2011.	IUT
Sporazum o naučno-nastavnoj, naučno-istraživačkoj i tehnološko-razvojnoj saradnji IUT	Internacionalni univerzitet u Novom Pazaru	27.09.2011.	IUT
Sporazum o partnerstvu i naučnoj saradnji IUT School of advanced studies	Hans Sachs Institut Wels, School of advanced studies	18.10.2011.	IUT
Sporazum o partnerstvu i naučnoj saradnji IUT	Joseph Schumpeter Institut Wels, School of applied studies	18.10.2011.	IUT
Sporazum o naučno-nastavnoj, naučno-istraživačkoj i tehnološko-razvojnoj saradnji IUT	Sveučilište Jurja Dobrile u Puli, Hrvatska	21.10.2011.	IUT
<i>Ukupno</i>			8



3. SWOT ANALIZA ZA OBLAST NIR-A I MEĐUNARODNE SARADNJE

SNAGE	SLABOSTI
<ul style="list-style-type: none">- Stručan naučno-istraživački kadar- Usklađivanje nastavnih planova i programa kao i naučno-istraživačkog rada sa potrebama privredno-industrijskih subjekata- Svest o vlastitoj odgovornosti za razvoj i dobar imidž IUT- Opredijeljenost svih uposlenih za kvalitet- Sposobnost brzog prilagođavanja promjenama u okruženju- Informatička opremljenost- Efektivan timski rad- Autonomnost razvoja univerziteta- Srazmjerno mlad nastavni kadar otvoren promjenama	<ul style="list-style-type: none">- Novosnovana visokoškolska ustanova- Nedovoljna povezanost naučno-istraživačkog rada sa privredno-industrijskim subjektima- Nedovoljan broj usavršavanja u inostranstvu za vrijeme i neposredno nakon doktorskog studija- Nedovoljno učešće u međunarodnim naučno-istraživačkim i razvojnim projektima- Relativno mali budžet- Slaba mobilnost nastavnika i saradnika- Nedovoljan broj objavljenih radova u indeksiranim naučnim časopisima i knjiga- Nedovoljan broj potpisanih sporazuma svih OJ
PRIЛИKE	PRIJETNJE
<ul style="list-style-type: none">- Novi fakulteti i studijski programi- Saradnja sa javnim i privatnim sektorom- Međunarodna saradnja i mobilnost nastavnika i saranika- Projekti – naučni, stručni, fondovi	<ul style="list-style-type: none">- Veliki broj VŠU u okruženju- Odlazak kvalitetnog nastavnog kadra u privredu- Nemogućnost proširenja prostornih resursa naspram razvoja IUT- Nemogućnost povećanja budžeta



4. ZAKLJUČCI I PREPORUKE

Ukupno gledajući stanje NIR-a i međunarodne saradnje na IUT je zadovoljavajuće s obzirom da je Univerzitet osnovan tek 2010. godine mada je vrlo različito od jedne do druge organizacione jedinice (OJ). U odnosu na predhodnu godinu ostvaren je značajan napredak u broju objavljenih radova, broju izdatih knjiga kao i broju potpisanih sporazuma. Ukupan broj IUT autor se povećao na kao i broj radova sa različitih organizacionih jedinica. Takođe, ostvaren je napredak i u objavljinju knjiga, gdje su pored Saobraćajnog fakulteta učestvovali i Ekonomski i Ekološki fakultet. Broj potpisanih sporazuma je udvostručen te je organizovan zajednički Master studij sa Ekonomskim fakultetom u Subotici i omogućen doktorski studij studentima u SAD-u na Univerzitetu u Tennessee.

Iako je ostvaren napredak u ovom segmentu preporuke za 2012. godinu su:

- Veći broj objavljenih radova svih zaposlenika na svim OJ kako na konferencijama tako i u stručnim i naučnim časopisima,
- Veći broj objavljenih knjiga svih OJ,
- Pokrenuti izdavanje časopisa IUT,
- Pored organizacije savjetovanja i konferencija organizovati javna i pozivna predavanja,
- Aktuelizirati mobilnost studenata, nastavnika i saradnika svih OJ Univerziteta
- Uključiti se u međunarodne naučno-istraživačke i razvojne projekte
- Aktuelizirati rad Instituta IUT
- Potpisati više sporazuma o naučnoj i akademskoj saradnji sa regionalnim i međunarodnim fakultetima i univerzitetima